

qui sub ejus nomine inter opera Hieronymi, legitur.

II. Probatur. Ad summum miraculum conveniebat, ut per miracula perveniretur; & ut in Virgine concipienda gratia juvaret ac preveniret naturam; & ut Parentes Virginis ad eam suscipiendam desiderii, & orationibus disponerentur; sed hæc omnia verificantur, si Conceptio Virginis dicitur miraculosa, & supernaturali virtute facta: ergo vere Conceptio Virginis fuit miraculosa, & supernaturali virtute facta. Argumentum est Damasceni orat. 1. de nativitate Mariæ.

III. Probatur. Si Conceptio Virginis fuit parentibus ejus divinitus prænnuntiata, & si Mariæ nomen fuit iisdem divinitus revelatum, Conceptio Virginis dicenda est miraculosa, & supernaturali virtute facta; Sed illa fuit divinitus prænnuntiata, & hoc divinitus revelatum: ergo Conceptio Virginis fuit miraculosa, & supernaturali virtute facta. Probatur minor. Ex Epiphaniæ hæresi 70., ex Authore libri de ortu Virginis sub Hieronymi nomine, & ex Niseno loco supra citato scribente: *Annam, cum prolem a Deo postularet, natam Divino fuisse confirmatam; quæ verba apud Nicephorum pariter leguntur. Præterea conceptio Isaac, & conceptio Joannis Baptiste fuerunt divinitus parentibus prænnuntiata; ergo pariter Conceptio B. Virginis Mariæ fuit Parentibus suis a Deo revelata. Quod confirmatur a verbis Damasceni supra relatis: Quemadmodum prius illa Anna, cum sterilitatis morbo laboraret per orationem, ac promissionem Samuelis præcarit: eodem modo hæc etiam per absecrationem, & promissionem, Dei Genitricem a Deo accepit, ut ne hæc quoque cuiquam ex illustribus Matronis cederet. Confirmatur quoque ex verbis Germani Constantinopolitani supra pariter relatis: „ Secundum Angeli vaticinium, o „ Virgo illustris proles ex justis hominibus „ Joachim, & Anna, in lucem prodisti. „ Tu cælum, & sedes Dei, omnisque puritatis receptaculum: tu mundi universi certum existis gaudium, tu vitæ largitrix, tu maledictionis interemptrix, tu benedictionis conciliatrix „.*

IV. Probatur. Paterna domus B. Mariæ Virginis in Urbe Nazareth consurgebat; ac proinde absque dubio est, ut in eadem domo Concepta dicatur. Ibidem Baronius in Apparatu vult etiam fuisse natam; quod tamen negat Hænnus, afferens, natam fuisse Hierosolymis, sed nullum

afferit momentum, quo ad hoc afferendum moveatur. Revera multæ sunt Scriptorum opiniones circa locum Conceptionis, & Nativitatis B. Virginis, a quarum recitatione abstinemus, sed legentium arbitrio remittimus, an eam natam credant Hierosolymis, quod diximus cum Hænnus, an vero in Urbe Nazareth, quod etiam cum Baronio dici posse, judicamus. At veniamus ad illos recensendos Scriptores, qui contra, vel præter hæc dicta alia scribere ausi sunt.

Primo Paracelsus lib. 2. chemicæ cap. 2. deliravit, dicens, B. Virginem fuisse progeneratam ex Genitoribus, qui fuerant in matrum uteris sanctificati; ex Adami & Evæ semine minime potuisse. Secundo putavit Petrus Antonius Spinellus lib. de throno Dei c. 18. Tertio Jacobus Imperialis dixit, fuisse conceptam ex Anna, illæsa virginitate, cujus error damnatus fuit Romæ anno 1667. Quarto Græci quidam putarunt Joachimo, & Anna, nulla habita conjugali copula, sed libato dumtaxat osculo, fuisse genitam. Quinto Posa asseruit B. Virginis corpus fuisse momento temporis formatum, ac configuratum, quod scripsit lib. 3. Elucidarii tract. 2. cap. 4. Sexto, quod nullum Angelum habuerit ad custodiam; & quod Deus ipse custos illi fuerit, dixit Pelbartus lib. 5. Stellarum par. 2. artic. 1.

Dicimus IV. corpus B. Virginis fuisse in sua specie, & sexu, maxime perfectum; ac proinde habuisse temperamentum optimum, sanitatem integram, ac pulchritudinem nulli secundam. Et hæc quidem sunt Corporis dotes. Dotes vero animæ optime describuntur a quodam pio Scriptore apud Hænnus verbis hæc: „ Fuit in illa ingenium sagax, subtile, perspicax, judicium acre, solidum, & maturum, memoria expedita, & tenax, contemplatio continua sine fatigatione, indefectibilis sine errore, prudentissima, absque inconsideratione. Fuit voluntas firma sine levitate, recta sine ulla inordinatione, ad omnem virtutem propensa sine rebellionem, libera sine peccato. Fuit phantasia pacata semper, & placida, nec passionibus obscurata, nec somno præpedita, nec evagationibus distracta. Fuit denique appetitus rationi obsequens, nunquam resistens, nunquam præveniens, nunquam impediens defixam, in Deum mentis elevationem, ardentem cordis amorem &c. „

I. Probatur. Ex corpore Mariæ efformari debe-